

## ATODLEN 3

### GWEITHREDU CYNIGION STATUDOL

#### RHAN 2

##### DARPARU MANGREOEDD A CHYMORTH ARALL

*Grantiau mewn cysylltiad â gwariant penodol ynghylch ysgol wirfoddol a gynorthwyr boed hi'n un bresennol neu'n un arfaethedig*

- 8 (1) Mae'r paragraff hwn yn gymwys—
- pan fo'n ofynnol i gorff llywodraethu ysgol wirfoddol a gynorthwyr yn rhinwedd paragraff 4(5) i weithredu cynigion i wneud newid rheoleiddiedig i'r ysgol, neu
  - pan fo'n ofynnol i berson yn rhinwedd paragraff 4(3)(b) i weithredu cynigion i sefydlu ysgol newydd wirfoddol a gynorthwyr.
- (2) Mae paragraff 5 o Atodlen 3 i Ddeddf Safonau a Fframwaith Ysgolion 1998 (grantiau i ysgolion gwirfoddol a gynorthwyr mewn cysylltiad â gwariant ar fangre neu gyfarpar)—
- yn gymwys mewn perthynas â'r ysgol a grybwyllir yn is-baragraff (1)(a), a
  - yn gymwys mewn perthynas â'r ysgol newydd a grybwyllir yn is-baragraff (1)(b) fel y mae'n gymwys mewn perthynas ag ysgol bresennol sy'n ysgol wirfoddol a gynorthwyr.
- (3) Wrth gymhwyso'r paragraff hwnnw mewn perthynas ag ysgol newydd wirfoddol a gynorthwyr—
- mae cyfeiriadau at y corff llywodraethu, mewn perthynas ag unrhyw adeg cyn i'r corff llywodraethu gael ei gyfansoddi, yn gyfeiriadau at y person a wnaeth y cynigion o dan adran 41(2), a
  - pan osodir gofynion mewn perthynas a grant a delir yn rhinwedd y paragraff hwn i'r person a wnaeth y cynigion, rhaid i gorff llywodraethu, pan gyfansoddir ef, yn ogystal â'r person hwnnw, gydymffurfio â'r gofynion.